

67.

17. Februar 1410

Heinrich von Schellenberg schliesst mit der Stadt Zürich Frieden.

Or. StaatsA Zürich, C I, 1224. – Pg. 33/15,5 cm. – Siegel Ø 2,6 cm, +S.HAIN-
RICI. DE.SCHELLEBERG. – Rückvermerk (15. Jh.): Schellenbergs fridbrief.

Ich^{a)} Hainrich von Schellenberg¹ tûn kund menglichen mit disem brief, daz ich fûr mich fûr min helffer vnd diener vnd ¶ fûr die zû mir gehörend ainen gûten getrwen frid vffgenomen hab vnd nim vff mit kraft ditz briefs mit den ¶ fûrsichtigen wysen dem burgermaister den rätten vnd burgern der statt Zûrich mit allen iren helffern vnd ¶ dienern vnd mit ir statt vnd mit allen den iren, den si ze gebietten hand von ir statt oder von aigenschaft wegen, vnd hân ouch disen frid mit gûten trwen gelobt fûr mich vnd die, so vorbenempt sind, waur vnd stätt ze halten vnd ze vollfûren ân all arglist vnd ân all vffsätz, also daz diser frid getriulich waur vnd stätt beliben sol alle die wyl, so ich den vorgenanten von Zûrich den frid nit abgeseit hân, wölt ich aber icht anders mit inen ze schaffen haben, daz sol ich inen wissentklich verkûnden, vnd nach der verkundung so sol doch diser vorgeschriben frid sechs gantz wochen, so denn schierost nach-ainander komend, waur vnd stätt von beiden tailen beliben vnd gehalten werden, alz vorbeschaiden ist, ân all geuerd. Vnd des ze waurem vrkûnd so han ich min insigel offenlich gehenkt an disen brief. Der geben ist an mentag nach sant Valentins tag nach Cristi gebûrt vierzehenhundert jaur, darnach in dem zehenden jaur.

^{a)}Initiale J 6 cm lang.

68.

17. Februar 1410

Heinrich von Schellenberg verkauft der Stadt Zürich einen jährlichen Zins von 24 Pfund aus dem Amt Eschenbach, den er geerbt hatte, um 240 Gulden.

Or. StaatsA Zürich, C I, 2731. – Pg. 38/25 cm. – Siegel wie in Nr. 67. – Rückvermerk (15. Jh.): Vmb die XXIII lb. uon dem uon Schellenberg uff Maschwander¹ ampt köffbr(ief).

Ich^{a)} Hainrich von Schellenberg² tûn kund menglichen mit disem brief, alz die erbern wysen der burgermaister der raut vnd ¶ die burger der statt Zûrich die vogtyen in dem âmptern von Eschibach³ jetweder

67. ¹Heinrich V. v. Schellenberg-Lautrach.

68. ¹Maschwanden, Bez. Affoltern ZH. – ²Heinrich V. v. Schellenberg-Lautrach. – ³Eschenbach, Amt Hochdorf LU.